



Publicaziuns dalla vischnaunca, jamna 31

Annunzias da baghegiar

All'istanza da baghegiar ei sin fundament digl art. 64, alinea 2 dalla lescha da baghegiar e digl art. 40 dall'ordinaziun davart la planisaziun dil territori dil cantun Grischun OPT vegniu annunziau il suandont project:

Nr. 2022-2072.000

Dr. Thomas ed Ulrike Lechmann, Via Sursilvana 13, 7180 Disentis/Mustér, remplazzament dallas finiastras el plaunterren, parcella 895, Via Sursilvana 13, 7180 Disentis/Mustér.

Uffeci da baghegiar Disentis/Mustér

Clom d'urgenza 118

Preziadas vischinas, prezias vischins

S'imaginei ch'ei brischa e negin vegn! Adina puspei caschunan fiugs gronds donns, gie mettan schizun en prighel la veta da persunas – savens perquei ch'ils pumpiers vegnan buca clamai ni memia tard. Biars tratgan: zatgi ha bein alarmau, mo adina puspei ei quei buc il cass, era tier nus el Grischun.

Perquei vala: Tier ina situaziun nua ch'ils pumpiers vegnan duvrai, ei da telefonar immediat al clom d'urgenza 118. Mo aschia eis ei garantiu ch'agid professional arriva il pli spert pusseivel sil plaz.

Engraziel per Vies sustegn!
Vos Pumpiers Sursassiala

Entschatta digl onn da scola 2022/23

Mardis, ils 16 d'uost 2022

Cordial beinvegni per l'entschatta dil niev onn da scola! L'entschatta digl onn da scola ei **mardis, ils 16-8-2022 allas 7.45**. Il survetsch divin ha liug suentermiezdi allas 14.00 en baselgia s. Gions. Informaziuns detagliadas en caussa suondan igl empren di da scola. Silsuenter seradunan il cerchel scolastic ed il cussegl da scola ad ina seduta. **(Ils affons han liber.)**

Program pigl onn da scola 2022/23

Entschatta digl onn da scola 2022/23: **Mardis, ils 16-8-2022**
scola mardis, 16-8-22–venderdis, 7-10-22 / 8 j.

vacanzas d'atun gliendisdis, 10-10-22– dumengia, 23-10-22 / 2 j.
scola gliendisdis, 24-10-22–venderdis, 23-12-22 / 9 j.

vacanzas da Nadal sonda, 24-12-22–dumengia, 8-1-23 / 2 j.
scola gliendisdis, 9-1-23–venderdis, 24-2-23 / 7 j.

vacanzas da sport gliendisdis, 27-2-23–dumengia, 5-3-23 / 1 j.
scola gliendisdis, 6-3-23–venderdis, 21-4-23 / 7 j.

vacanzas da primavera gliendisdis, 24-4-23–dumengia, 30-4-23 / 1 j.
scola gliendisdis, 1-5-23–venderdis, 23-6-23 / 8 j.

finiziun digl onn da scola 2022/23, **venderdis, 23-6-2023**

Entschatta digl onn da scola 2023/24, **gliendisdis, ils 14-8-2023** (7 jamnas vacanzas stad)



Firaus e dis libers:

Numnasontga (mardis)	01-11-2022
S. Martin (fiera)	14-11-2022 (suentermiezdi liber)
Til da tscheiver 2023 (sonda)	18-02-2023
Gliendisdis-tscheiver	20-02-2023
Mesjamna dalla tschendra	22-02-2023
S. Giusep (dumengia)	19-03-2023
Pastgas	07-04-2023 tochen ils 10-04-2023
Anceinza	18-05-2023
Di da punt (liber per tuts)	19-05-2023
Gliendisdis-Tschuncheismas	29-05-2023
Sontgilcrest	08-06-2023 (9-6-2023 negina punt!)

Repartiziun dallas classas onn da scola 2022/23

scoletta	Pia Condrau Petra Pally
sustegn lungatg scoletta	Andrea Schmed
1. classa primara	Riccarda Bass
2. classa primara	Ladina Bearth
3. classa primara	Michel Andriuet
4. classa A primara	Roger Tuor
4. classa B primara	Dina Pally
5. classa primara	Sandro Tomaschett
6. classa primara	Gion Tenner
scolasta dil fatg primara	Sabrina Capaul-Sgier
pedagogas curativas	Stefania Ritter Olinda Hosang
1. reala	Kai Hinrichsen
2. reala	Aluis Hosang
3. reala	Fabian Tschuor
1. secundara	Gabriel Venzin-Marty
2. secundara	Adrian Pally
3. secundara	Christoph Berger
zambergiar textil	Catarina Steger Irena Flepp
cuschinar/tenercasa	Irena Flepp
scolasta talian facultativ	Stefania Ritter
religiun	Corina Defuns Olinda Hosang Aluis Hosang Sur Mathew ser Christoph Zingg

Urari transports 2022/23

Mompé Medel

Mompé Medel	Mustér
7.20	7.29
Mustér Mompé	Medel
11.25	11.34

(mesjamna mo in viadi allas 11.25)

Mompé Medel	Mustér
13.20	13.29
Mustér	Mompé Medel
16.25	16.34

viadi suentermiezdi sulettamein mardis e gievgia suentermiezdi



Mompé Tujetsch–Segnas

Mompé Tujet. 7.20	Segnas 7.26	Mustér 7.35	Transport cun bus	
Mustér 11.25	Segnas 11.32	Mompé Tujetsch 11.35		Transport cun bus
12.14	12.20	12.23		Transport cun bus
Mompé Tujet. 13.18	Segnas 13.25	Mustér 13.32	Transport cun bus	
Mustér 16.25	Segnas 16.31	Mompé Tujetsch 16.34	Transport cun bus	

Disla–Pardomat

Pardomat 7.15	Disla 7.24	Mustér 7.29
Pardomat 11.35	Cavardiras 11.40	
12.25	12.30 (mesjamna)	
Pardomat 13.15	Disla 13.24	Mustér 13.29
Pardomat 16.35	Cavardiras 16.40	

Dapli informaziuns anfleis Vus sut
www.scoladisentis.ch / nossascola.org

Ina buna entschatta e sin bien seveser!
Nossa scola populara Mustér

Messa alpestra Alp Pazzola

Dumengia, ils 7 d'uost 2022, allas 11.00

Silsuenter dat ei la pusseivladad da gentar pulenta e gril. Access pusseivels mo cun lubientscha dalla vischnaunca da Medel/Lucmagn.

Lubientschas gratuitas per quei di san vegnir retratgas tier il spartavias a Mutschnengia denter las 9.00 e las 10.30.

Cordialmein envidan
ils pursanavels dall'Alp Pazzola

Fiasta dil vitg / Dorrfest Disentis/Mustér 13-8-2022

Program da divertiment naven dallas 14.00. / *Unterhaltungsprogramm ab 14.00 Uhr.*
Ustrias, bars / *Festwirtschaft und Bars*
Fiera da products/ *Produktemarkt*
e divers concerts / *diverse Konzerte*



Fiasta dil vitg – traffic

Duront il temps da fiasta e da preparaziun naven da sonda, ils 13 d'ust 2022, allas 7.00 entochen dumengia endamaun, ils 14 d'ust 2022, allas 11.00 ei il traffic sin la Via Cons resp. Via da Scola impediend suandontamein:

Via da scola

Per la Via da scola exista in scamond da carrar cun excepziun dils habitonts dalla Via da scola. Ils impediments ein signalisai.

Via Cons

La Via Cons ei serrada per tut traffic da transit (mira signalisaziun). Pils habitonts alla Via Pervenda, Via Dulezi e Via Sontga Gada ed ils cussadents e visitaders dalla casa da tgira Puntreis exista in access naven sur la Via Sogn Gions resp. naven dalla Via Alpsu. Sil tschancun denter la Via Lucmagn e la sbuccada dalla Via Sontga Gada vala in scamond da carrar per tut traffic cun excepziun digl access tier la casa da tgira Puntreis.

Nus supplichein da prender enconuschientscha ed engraziein per la capientscha.

Uniun da giuventetgna Pardomat/Madernal/Disla/Cavardiras

Sera famigliara 2022

Sonda, **ils 6 d'ust 2022**, ha liug noss'usitada sera famigliara.

Tut ils habitonts e convischins ein cordialmein envidai giudem Disla. La fiasta entscheiva allas 19.00.

Nus selegrein da Vossa viseta e sin ina biala sera da cuminonza.

Cordialmein envida

l'Uniun da giuventetgna PaMaDisCa
